



adabiyot ISLAMONLINE.UZ

Телбага айланган чоллар...

Баъзи дастур ва рисоаларда турли машхур шахсларнинг эътиборга молик сўзлари янграйди. Ана шу саҳифаларда Гёте, Толстой ва бошқа бир катор жахон дурдоналарига муаллифлик қилган даҳоларнинг эътиқодий иқрорлари муҳлисларга тортиқ этилади. Биз бироз атеистик рух ҳукмронлик қилган даврда яшаганимиз боисми, юқорида номлари зикр қилинган шахсларнинг бу иқрорларига бироз шубҳа қилдим. Аммо...

Бу ерда шубҳанинг ўрни йўқ. Мен шахсан Гёте бўладими, Толстой бўладими, умрининг охирида шарияти исломияни қабул қилибди, деса ажабланмайман. Чунки уларнинг асарларини ўқиган инсон жуда яхши биладики, Толстой ҳам, Гёте ҳам ҳолис одамлар бўлишган. Буюк адибларни бирлаштириб турадиган бир жиҳат бор: улар қандай услубда асар ёзган бўлмасинлар, бош мақсадлари инсониятнинг бахт саодати бўлган. Буюк тажрибалар шуни кўрсатдики, ҳолис, чин қалбдан ҳақиқатни излаган киши албатта ИСЛОМни қабул қилади. Бизда одамлар сизга ўхшаб фикрлашга ўрганиб қолишган: "Йўғ-э, Толстой Аллохни ягона илоҳ деганми, Гёте пайгамбаримизга бағишлаб шеърлар

ёзганми?" деган саволларнинг замирида исломга нисбатан хурматсизлик ётади. Таникли шахслар хакида гапиришни бошлаганимда, таниш акаларимиздан бири мендан сўраб колди: "Толстой ростдан мусулмон бўлганми?" деб. Мен ундан сўрадим: "Нега ажабланыпсиз? Нима бўпти мусулмонликни кабул килган бўлса?" "Йўк, - дедию, жим бўлиб колди. Мен шунда ундан яна сўрадим: "Ака, хафа бўлманг-у, сиз Толстойни буюк дахо деб биласиз, шунга ишонасиз. Аммо исломни хак дин дейсиз-у, унчалик ишонмайсиз. Агар сиз мукаддас динимизни хакки рост Аллохнинг дини деб билганингизда, биласизми нима дердингиз: "Хўп, Толстой мусулмон бўлган эрса нима бўпти? Агар у чиндан хам калимаи тавхидни айтиб кетган бўлса, бу унинг ютуги, исломнинг эмас. Аллохнинг дини Толстой ва Гётенинг икрорига мухтож эмас, балки "буюк дахолар"нинг ўзлари исломга мухтождирлар".

Кимдир менга шу ерда савол бериб колади: "Хўп, сиз уларни исломни кабул килган деяпсиз. Аммо Гёте ва Толстой яшаган мухитда уларга хак калималарни ким етказиши мумкин? Улар кайси мазхабда бўлишган?"

Хакикатни Аллох етказди. Албатта, турли сабаблари билан. Кейин, бир нарсани яхши билиб олингки, хар кандай инсоннинг калби бор, юраги бор, иймонга чорловчи рахмоний туйгулари бор. Ана шу туйгулар инсонни бир умр силкитиб туради. Бизга университетда Толстой хакида хам, Гёте хакида хам маълумот беришган. Биласизми, мени нима ажаблантирган: уларнинг иккиси хам рус ва немис халки учун кадрли бўлган ва умрларининг охирида "телба бўлиб колишган". Кизиг-а, дунё адабиётини елкасида тутиб турган бу икки дахони осонгина, икки жумлада: "хаётларининг охирида телба чол бўлиб колишди" деган таъриф остига солиб кўя колишса? Сиз шубхаланмайсизми бу сўзларга? "Телбалар"нинг бир пайтлар - "акллари етук" даврда ёзган китобларини кўзларига суртишади-ю, умрларининг охирида айтган васиятларини мактаб дастурларидан олиб ташлашади. Инсофсизлик бу! Мен бу холатни талабалик давримдаги бир воқеага ўхшатаман. Университетда ўкиб юрган махалларим рус адабиётидан бир аёл дарс берарди. Толстойни жуда яхши кўрганидан, деярли хар дарсда унинг асаридан иктибос келтирарди. Бир куни бир дўстим китмирлик килиб ундан сўради: "Кечирасиз, сиз Толстойни жуда яхши кўрасиз. Унинг асарларига жиддий эътибор берадиган бўлсак, Лев Николаевич яхши образ сифатида намойиш этган аёлларнинг аксари уйда ўтирадиган, салобатли ва кўчага чикканларида ёпинчикларини ёпиб юрадиган аёллар экани ойдинлашади. Толстой: "Аёлнинг гўзаллиги уйдан ташкарига чикса, унга путур етади", деган. Нега сиз Толстойни яхши кўрсангиз, унинг фикри билан хисоблашмайсиз?"

Ўшанда ўқитувчимиз нима деб жавоб берган, биласизми: "Толстойнинг шу фикрларига каршиман!!!"

Ажабо, "умрининг охирида телба чол бўлиб колди" дегувчилар нақадар шу аёлга ўхшашлар-а!